



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1611. usque ad annum 1617

Fleury, Claude

August. Vind. [u.a.], 1777

VD18 90118898

§. 39. Ludovicus XIII. Franciæ Rex Regno administrando per ætatem capax
declaratus.

[urn:nbn:de:hbz:466:1-67313](https://nbn-resolving.org/urn:nbn:de:hbz:466:1-67313)

poenas daret, mox in fugam avertitur, miles ejus dilabatur, & Condæus Episcopo Castanæo reconciliatur. Tum vero ad primum Regis in Armoricos progressi conspectum, animi rebelles ad obsequium redeunt, arma Vindocinensis ponit, arx Blaveti, vetitæque munitiones ceteræ solo procumbunt, & Rex celeri atque incruenta expeditione Parisios victor revertitur. Tam efficax restinguendis bellis civilibus remedium est, Regis præsentia.

Sæc. XVII.
A. C. 1614.

§. XXXIX.

Ludovicus XIII. Franciæ Rex Regno administrando per ætatem capax declaratus.

Postquam Ludovicus XIII. Rex die vigesima quarta Septembris decimum quartum ætatis suæ annum, quo ex Regni lege ad capeffendas imperii habenas adultus censetur, ingressus erat, ipse comitantibus eum plusquam octingentis Nobilibus Curiam accessit, ibique folio recumbens declaravit, quod nunc ætate major propriis par Regno consiliis esset, suum igitur imperium sibi a Deo datum Senatorum fidei conjungi, & pietate ac justitia invicem sociari peteret: Hæc dicentem excipiebat Cancellarius, qui Reginæ ob administr.

Calmet Hist. Univers. lib. 151. Gramont. l. c. Declar. Carol. V. Reg. anno 1374. Ordon. Philipp. III. anno. 1270.

Hist. Eccles. Tom. LV.

T

niltra-

Sæc. XVII. A. C. 1614. nistrati hucusque Regni curas grates
repensens ex omnium Ordinum sen-
tentia Regem rogabat, ut deinceps
quoque Reginam consilii sanctioris Prin-
cipem omnium dispensatricem agno-
scere velit: illa vero gressu ad Majesta-
tem composito proximius Throno ac-
cedens, Regem a solio assurgentem,
eique detracto pileo obviam euntem
his verbis alloquebatur: *Læta regimen
cedo Regi, quem uti filium amo, ita ut
Dominum veneror: quadriennio, quo Re-
gnum tenui, anxie cavi, ne quid detri-
menti pateretur res Gallica, pacem magnis
sumptibus procuravi, qua stetit florens re-
gnum, & stabit, si quid valent, quibus ad-
ministratio committetur.* Dein sermone
ad Principes & Senatores converso
hos omnes suæ sollicitudinis testes in-
vocabat: actis postea Reginæ Matrigra-
tiis Cancellarius decretum, quo Rex
Regno adultus declarabatur, promul-
gabat, Rex vero Nannetense edictum,
necnon decreta contra duellantes, Blas-
phemos, & temere jurantes, vel noxia
foedera ineuntes condita ad acta referri
jussit, Luparam demum regressus, toto
populo festive acclamante.